

# 程璧光與革命黨之關係

革命逸史二集

馮自由

程璧光，字玉堂，廣東香山縣人，少聰穎好學，性強項，弱冠由清廷派赴英國充海軍學生。既畢業成績冠齊叢，數年後循資格陞任來濟軍艦管帶。甲午（一八九四年）中日之役，日本海軍佔劉公島，來遠與定遠成遠靖遠諸艦先後沈沒，璧光倖不死。戰後落職回粵，鬱鬱以爲生。先是孫總理在癸巳（一八九三年）年創設廣州沙基東西藥房極靈濟世時，嘗假城南廣東書局內抗風軒爲同志談話所，常到叙談者有尤列鄭士良陸皓東魏友琴程耀宸諸人。璧光及其弟奎光與總理爲素識，且有鄉誼，故亦常蒞其間，相與批評時政得失，引爲同調。及次年璧光失職歸鄉，總理力從檀香山回國，發起興中會以從事革命活動，奎光亦爲得力會員之一。總理聞璧光落魄返里，遂使奎光致函于西關某機關，語之曰：清廷喪師失地，均由政治不良所致，君身預戰事，自無不知，古今順天應人，提倡大義，君前年亦贊同此議，即請宣誓入會，共成美舉云云。璧光聞言，意甚猶豫，良久不欲署名，總理遂託故離席，密使奎光向乃兄說辭。奎光曰：此地乃造反大營，吾兄到此，已知一切機密，各人何能任兄徒然外出，弟已入會多時，決以身許國，兄亦斷不能置身事外，請即毅然入會，勿再遲疑，璧光度不能免，乃板筆書誓而出，甘意未釋然也。嗣乙未（一八九五年）九月重陽大舉之計畫失敗，總理及楊衢雲鄭士良等相繼出亡。在粵黨人被逮捕殉義者，有陸皓東朱貴全丘四程奎光程耀宸等五人，卽世所稱朱丘陸程一案是也，奎光時任廣東水師統帶，被逮時解卒促之行，家人曰伊病脫肛，腸將出五寸，寸步不能移矣。解卒曰，乘轎坐馬桶中何害。奎光被解至營務處受軍棍六百死；其妻亦自縊，璧光懼禍及己乃避地南洋檳榔嶼主梅縣富商謝夢池

家，夢池卽其後同盟會員謝逸樵良枚昆仲之伯父也。璧光由是怨總理頗深，遂不再與黨人發生關係。明年李鴻章奉使赴歐，道過檳榔嶼，謝夢池招待甚殷，璧光亦與同席。鴻章詢璧光何故南來。璧光曰：甲午之役全軍覆沒，朝廷方降罪矣。鴻章曰：此大事於一人何尤，且歸，吾當爲君電解之。璧光以是歸國，得復職于海軍衙門。辛亥奉清廷命赴英國監督新造軍艦工程，是歲八月武昌革命軍興，未幾孫總理暫選臨時大總統，璧光率艦在英，孫總理以電邀之，璧光踟躕甚久。至南北統一政府成立後，始率海圻艦回華，黎元洪於前清甲午前後曾供職水師，隸璧光麾下，極爲相得，至是對璧光格外推崇，禮遇甚優。民五六月袁世凱帝制不成，以憂憤死。副總統黎元洪依法繼任，璧光受任海軍總長。民七夏秋間段祺瑞使督軍團叛變，張勳入京復辟之變繼作，元洪被迫退位。璧光不直段張輩所爲，因率海軍氏滬，備國家之緩急。段祺瑞既驅逐張勳，孫總理疊電勸告，使擁護約法。誅勳叛逆以補過，祺瑞卒不之省。總理乃使耐良牧以世誼謁璧光，謂總理決赴粵護法，迎元洪南下，請璧光導海軍參加義舉，軍由總理籌備等語。璧光喜，遂親謁總理坦然釋前怨，卽於七月二十二日同發表宣言，否認國會解散後之非法政府，李海圻等艦駛粵。當將發之夕，程夫人哭於上海環龍路孫宅之門不令璧光赴粵，曰吾叔。於君，吾孀死於君，其又欲吾夫死耶？璧光不爲所奪，毅然就道。總理既抵粵，乃與國會議員電請黎元洪南下復職，元洪不應。國會議員乃選舉總理爲軍政府大元帥，代行總統職權。民七桂軍閩陸榮廷莫榮新等私欲與北方軍閥議和，以犧牲護法爲條件，以璧光擁護軍政府最力，忌之特深。會廣東省議會有選舉璧光爲省長之議，駐粵滇軍各將領亦贊成之，陸莫等乃陰使兇徒狙擊璧光于海珠對岸，璧光死焉。自是桂軍閥縱肆日甚，而軍政府亦漸改組大元帥制爲總裁制矣。事後軍政府及粵人公葬璧光于海珠公園，并爲建設銅像，以垂久遠。今日遊人過海珠公園，見有巍峨銅像矗立其間，卽璧光也。